



晞髮集

附 天地間集 冬青引註

登西臺慟哭記註

康熙壬午平湖陸氏較刊

重刊晞髮集序

宋參軍謝公臯羽著書百卷內詩文號

晞髮集

者二十有八卷明初尚未散佚故胡公仲申稱其集備於當時諸家至弘治間儲公紫墟刻板揚州所佚已大半詩七言律體關文止記序共十有三篇而已萬曆時有歛張氏者重刻是集無能有所補正更加穢雜謬誤焉其外集載所謂新詩者村鄙不成語稱為謝公降乩之作尤可為怪嘆者也惟後附行狀壙誌為舊本所關

今舊本世已少余所有抄白晞髮集尚從此出故其格式猶為近古但卷帙已不可考乃以意分為詩八卷文二卷又於前任鄧二傳外增胡宋二公傳并劉公伯溫書傳後詩而以行狀壙誌次其後字畫錯誤以他書叅校十得七八其張氏本雖不善亦有可叅者凡諸本闕者仍之異同者從其是有可疑者則以抄本為主而著其異於上方若其都失本真而的然可改者則改正之而仍著已前之失然尚有未能悉正者

正集外又有晞髮道人近藁數止五十餘首而浙東西遊錄中其遊金華者尚存皆刻本所無今亦加校勘增入至公所錄他人詩并後人註釋公文者雖不全備然世專刻者少故別附集後焉今之論詩於南宋者必曰楊陸范氏若公類以節義掩余獨以謂南宋之詩當以信國文公為冠而公可與之抗行楊陸諸家俱不及也蓋唐自散文而後詩道日以壞至宋仁英神哲之世乃復振起其氣發泄無餘然亦遑遑趨於

弱者似與國勢相為表裏也至南渡而衰矣當時諸公所作尚不能與北宋比肩其敢望唐人之室乎獨公與文公當天地變革之會拂鬱憤懣之氣發之於詞雄厚奇杰如夕陽倒景光彩萬狀文公詩絕類少陵而公則出入於孟郊賈島張籍李賀諸家於賀尤似其激厲奮發有過之無不及也耳食之流誰為知此牧齋錢氏之言曰宋之亡也詩稱盛弇州王氏之言曰舉羽為南宋翹楚此為知言矣公又工於文章彷彿

近唐元柳則又文公所不逮者余既校刊其集復為論其說如此云平湖陸大業序

晞髮集引

晞髮集有宋遺民謝翱舉羽所著翱之出處志
行其友方鳳吳謙有狀有志太史宋公暨諸先
輩有傳翱書殆百卷此集蓋其一也維宋以仁
厚立國以禮誼恭讓遇士大夫比其亡也又值
而有之故食馬仕於朝者徃徃死其
封疆社稷以訖夫義命之所安而丞相文公尤
光明俊偉震動一世迄收宋三百年養士之效
至於儒碩豪傑之士窮處於家者耻淪於

旌德劉
聖立書

毀冠裂裳為懼則相率避匿山谷間服宋衣冠
以終其身而翱則丞相嘗署以職者計其時所
以處成敗利鈍死生去就者諮謀已定及丞相
死於燕翱徬徨山澤長往不返懷賢憤世鬱憂
之意一吐於詞卒窮以死視一時督府相從之
士等死耳翱真丞相之客也蓋其君臣之所感
召師友之所切劘故庶於成就者如此嗚呼是
豈一日而然哉此集壻抄於建安楊晉叔家會
馮御史執之按部至海陵壻出而閱之作而嘆

夏坊
本出

曰翱之樂府諸體似李賀張籍近體出入郊島
間古文則直遡柳柳州之派其志潔其行廉有
沉湘蹈海之風是宜傳也同時之士氓焉不傳
者多矣翱獨賴是集之存傳翱可以想見其餘
其不傳者亦或有殘編斷簡流落人間者乎將
又因之以傳也迺篋之至揚告唐運使文載運
使曰此予雅慕其人而未見其文者遂相與刺
之而屬壻為之引

弘治十有四年冬十月朔中順大夫太僕寺少

卿海陵儲懽識

旌德劉
聖立書

宋饒歌騎曲序

吳萊

自宋之南遷說者嘗欲復中原地蓋謂大江之南東至滄海西兼巴蜀而北以淮河為外屏然而禹跡所及但自蜀江而下文王之化亦且止行江漢汝瀆之域不及江南春秋列國無慮百數江南惟吳越楚三國楚之始封箠籛籃縷以啓山林吳越亦斷髮文身披草萊以立國大江以南半為山海險阻無人之地此天地之氣化所以極衰於古而併盛於今也嗚呼世之迂者

果不諳國勢達時務哉春秋之世吳最強越乘其敝而盛吳越王句踐乃能無事於霸而自安於蠻夷及王無疆方聽戰國游士之說而欲霸楚遂擊越而走之東盡吳故地北接齊韓魏之邊西壓巫黔中固大國也曾不旋踵又一折西盡輸於秦子女玉帛犀兕材木終不足以抗秦人天府陸海之饒矣當漢氏盛時江西一境人民戶口不滿六萬唐之中世江淮遂為財賦之淵歲奉朝廷而度支經費猶不能給自令觀之

魚鹽米粟漕運牧養灌溉之科過於古乎抑不及也謀不審力不蓄兵不練財不阜欲以空言復中原地不亦難乎蓋昔景德澶淵之變上方以北兵深入兩河震動而不以歲幣講和為虞是故欲捐銀絹數十萬匹兩而棄之苟安而已宣和京城受圍未暇一戰已請和而納幣紹興再造不思其禍之已成復踵而行之馴致完顏氏之大壞可以監矣開慶鄂渚之虞且欲遵其覆轍率以不及踐言而致滅宋之禍自祖宗之

世兵弱而不修於內財匱而復割於外此其實已久敝矣當完顏氏大壞人孰不曰時可為機可乘大河東北彼已委而棄之關輔以西隨以陷沒山東十數郡奄為盜有宋之設施號令幾若可行於青齊然彼以既衰就盡之國猶能遣使來督歲幣遣兵直窺江淮且不得以必勝之也况欲以是當西北方王之氣哉當東都盛時每以天下貢賦之全而憂不足三司條例青苗保甲害民蠹國曾不之恤紹興以後國愈蹙財

愈匱山林原隰陂澤之所出一切毫計而縷救之至不足自給東南民物之凋敝者極矣買公田造關子亦猶三司條例之餘也雖然亦何補哉此蓋自守不能難以言戰宋亦不復知有中原地矣故老云理宗在宮中嘗被酒上芙蓉閣見淮上有黑祲十有餘年不散南逼江淒然淚下已而彗星竟天災異若此徒論春秋戰國時事以鼓其說何屯之迂也是豈國勢之不諳時務之不達者歟非耶武夷謝翱皋羽故廬陵文

公客也於是本其造基立極親征遣將東討西
伐作為饒歌騎吹等曲文句炫煌音韻雄壯如
使人親在短簫鼓吹間斯亦足以盡孤臣孽子
之心也嗚呼尚何言哉初漢曲二十二篇魏晉
人更造新曲二十二篇但頌國家功德不言別
事大樂氏失職唐柳宗元崎嶇龍城山谷之間
亦擬魏晉未及肆樂府令翱又擬夫宗元者也
饒歌自日出至上之回凡十二篇騎吹曲自親
征至邸吏謁故主凡十篇云

旌德湯
玉戾書

傳

謝處士傳

任士林

咸字上
宋字

節字上
一本有
大字

定一
本字

謝翱者字臯羽閩人也父鑰性至孝喪母行服
廬墓終身不仕咸淳初翱試進士不中慨然以
古文倡作宋祖饒歌鼓吹曲騎吹曲上太常樂
工習之人至今傳其詞侷儻有節嘗布衣杖策
叅人軍事未幾善哭如唐衢過姑蘇望夫差之
臺慟哭終日過勾越行禹窆間壯鄉哭乘舟至
鄞過蛟門登候潮山感夫子浮桴之嘆則又哭

詩歌
一作歌

游一
本游

晚登子陵西臺以竹如意擊石歌招魂之詞曰
魂來予何極魂去予江水黑化為朱鳥予其味
馬食歌闋竹石俱碎失聲哭何其情之悲也所
知淪沒碧血游空山川池榭雲嵐草木與所別
處及其時適相類則徘徊顧盼悲不自已夫鳥
獸喪其羣匹越月踰時則必巡過其故鄉翔回
馬鳴號馬躑躅馬踟躕馬然後乃能去之若翱
者章皇山澤惡夫淚之無從也既客浦汭往來
桐廬人翕然從翱學所為詩歌其稱小其指大

遺刻
本俱作

州字下
一本有
佳字

鳴一
本鳴

其詞隱其義顯有風人之遺類唐人之卓卓者
尤善叙事有良史才作南史帝紀二十贊采獨
行秦楚之際月表所歷浙東西州山水必有游
記當天天下廣大足歷燕魏趙代間遺事故蹟且
涉大瀛海外盡識風物鴻濛之初度越子長矣
惜其悲鳴煩促天性固然其止乎其止乎士充
充入矍相持觶不去憎聞翩翩自若也易曰浚
恒貞凶無攸利翱之謂乎或曰伯夷亦齊何人
也曰古之賢人也曰怨乎曰求仁而得仁又何

怨屈平非怨者耶精神漂散鬼語神詞變幻不測翱豈平伍耶初翱亡恙時得唐方干舊隱白雲村建炎四年江端友呂居仁朱翼諸賢為文祭臨水之神避地於此翱曰死必葬之作許劍錄逮疾草語其妻劉氏曰我死必以骨歸吳思齊方鳳葬我許劍之地二人果聞訃至與方壽方幼學馮桂芳翁登翁衡奉骨葬如志夫以死生託人不爽嗚呼信矣哉其徒吳貴買田月泉精舍祠曰晞髮處士歲時奉烝嘗云

一本此處亦異

日舊本或作白非

贊曰唐宰相董晉為汴州辟韓愈從事愈激知已稱隴西公而不姓晉死從裴度度乃不引愈用愈作弔田橫文以著其哀若翱者夫亦橫之客也與

謝舉父傳

鄧牧

謝君名翱字舉父延平人蚤事科舉學有志當世中遭兵火室家喪亡購得一子軍伍中相與竭力生產僅自給屬繇役繇興不堪迫辱日益憤悶成疾以子粗達事務委而遊過嚴陵故舊

遊字上坊本有出字

喪坊本作散

館焉因娶某氏其地與婺接故常往來兩州間
積十四五年捐授館下生粲然進於文學性耿
介不以貧累人所居產薪若炭率秋暮載至杭
易米卒歲少裕則資遊江海訪前代故實著家
史補唐詩人無傳者三十餘篇傳近世隱逸數
篇歲甲午與杭人鄧牧相遇會稽結為方外友
牧罕讀古人著述謂文章當出胸臆自成一家
而君記問優贍必欲中古人繩墨乃已所見不
合日夜論辨互相詆及見牧所為文乃起謝曰

家坊
宋本

瞻舊本
俱作瞻
非

公不肯區區有所模擬然法度高古殆天才也
牧因為言杭大都會文士輩出余知若干人盍
往見之旬日別去逮牧歸杭君已挈家錢塘江
上問所從來皆前所聞者其好學信也乙未秋
牧薄遊山水間君病篤望牧不至懷以詩曰謝
豹花開桑葉齋戴勝芋生藥草肥九鎖山人歸
未歸蓋絕筆於此故同姓善之新與君交最厚
哭其舍累日為著哀辭東西州故人門生不遠
數百里來弔咸哭盡哀奉喪云先是君買地釣

來坊
遊本

云坊
去本

耀本輝
作坊

臺下將葬朋友無歸者至是君葬焉君生不得志閑居常有憂色語聲甚微鬱鬱不平之氣一宣於文讀之使人悽愴知其弗壽也婦莞然無依子遠在二千里外存亡不相聞可謂窮已嚴陵士風厚將有集君遺稿以傳後者志且不沒牧歸悲惋不已誄曰上世之士以文取顯輝而君窮於文痛哉舉父痛哉舉父錢塘鄧牧著

謝翱傳

胡翰

謝翱字舉羽建寧人也家故嬴於財父鑰居喪

哀毀人稱其孝宋咸淳初翱試進士不第慨然求諸古以文章名家元兵取宋宋相文天祥亡走江上逾海至閩檄州郡大舉勤王之師翱傾家貲率鄉兵數百人赴難遂叅軍事天祥轉戰閩廣至潮陽被執翱匿民間流離久之間行拉勾越勾越多閩閩故大族而王監簿諸人方延致遊士日以賦詠相娛樂翱時出所長諸公見者皆自以為不及不知其為天祥客也然終不自明且念久不去人將虞我矣乃去而之越之

南鄙依浦陽江方鳳時永康吳思齋亦依鳳居
三人無變志又皆高年遂俱客吳氏里中得其
餘日以自適一不問當世事翱嘗上會稽循山
左右窺祐思諸陵西走吳會東入鄞過蛟門臨
大海所至歔歔流涕晚愛睦州山水浮七里瀨
登巖光釣臺北向舉酒以竹如意擊石歌曰塊
歸來兮何極菟去子關水黑化為朱烏子有嚼
馬食歌已失聲哭人莫詰其誰何惟鳳與思齋
深悲之初江端友呂居仁朱翌辟地白雲源源

故方干所居在釣臺之南翱率其徒遊焉願即
此為葬地作許劍錄及翱居錢塘病革語其妻
劉曰我死必以骨歸方鳳葬我許劍之地鳳聞
訃訖如其言鳳字韶卿由太學生授容州教授
治毛氏詩陳宜中當國禮下之命其二子大登
小登受業焉同鄉黃潛柳貫皆出其門好獎拔
士有一善未嘗不與之進思齋字子善其學本
之外祖陳亮用蔭補官攝嘉興丞數以書干宋
臣用事者言賈似道母喪不宜賜鹵簿責文及

翁頥忌爭不力猶不爭耳又言御史俞浙以論謝堂去職宰相附貴戚塞言路如朝廷何思齊雖有寒疾耳聾遇事不以勢移不以貧屈自號全歸子云

媯仲子曰翰少客浦陽望仙華寶掌諸山從縉紳學者問翱時事未嘗不喟然為之太息於是訪其論著之文翱有晞髮集鳳有巖南集思齊有全歸集三家者惟翱集備焉其詞隱其旨微大要類其行事是時元新有天下士大夫於宋

事多諱言之鄞江任士林稱翱善哭如唐衢豈其情哉豈其情哉

謝翱傳

宋 濂

謝翱字皋羽福之長溪人後徙建之浦城父鑰性至孝居母喪哀毀廬墓終身不仕通春秋著春秋衍義左氏辨證傳於時翱世其學試進士不中落魄漳泉二州侗儻有大節會丞相文天祥開府延平長揖軍門署諮議叅軍聲重梁楚間已復別去及宋亡天祥被執以死翱悲不能

議一作
事重一
作連

禁隻影行浙水東逢山川池榭雲嵐草木與所
別處及其時適相類則徘徊顧盼失聲哭巖有
子陵臺孤絕千丈時天涼風急翱挾酒以登設
天祥主荒亭隅再拜跪伏醉畢號而慟者三復
再拜起悲思不可遏乃以竹如意擊石作楚歌
招之曰魂朝往兮何極莫歸來兮關水黑化爲
朱鳥兮有味焉食歌闋竹石俱碎聞者爲傷之
然其志汗漫超越浩不可禦視世間事無足當
其意者獨嗜佳山水如雁山鼎湖蛟門候濤沃

洲天姥野霞碧雞四明金華洞天搜竒抉秘所
至卽造游錄持以誇人若載七寶歸者遊倦輒
憩浦陽江源及睦之白雲邨尋隱者方鳳吳思
齊晝夜吟詩不自休其詩直遡盛唐而上不作
近代語卓卓有風人之餘文尤蘄拔峭勁雷電
恍惚出入風雨中當其執筆時瞑目遐思身與
天地俱忘每語人曰用志不分鬼神將避之其
苦索多類此婺睦人士翕然從其學前至元甲
午去家虎林西湖上前代遺老尚多存者咸自

訖見翱晚明年乙未以肺疾作而死年四十七
瀕死屬其妻劉氏曰吾去鄉千里交遊惟方韶
卿吳子善最親不啻兄弟慎收吾文及吾骨授
之韶卿即鳳子善即思齊已而鳳等果至與方
幼學方燾馮桂芳翁登登之弟衡葬翱子陵臺
南以文藁殉伐石表之曰粵謝翱墓初翱以朋
友道喪盡吳越無挂劍者思合同志氏名作許
劍錄勒諸石未就復為建許劍亭於墓右從翱
志也翱無子其徒吳貴祠之月泉書院云翱好

修抱獨刻厲憤激直欲起古人從之遊不務諧
於流俗意所不顧萬夫莫回也每慕屈平托興
遠遊自號晞髮子遇談勝國事輒悲鳴煩促涕
泗潸然下士有苟合而氣志得者憎聞翱翱自
若也所著手抄詩八卷雜文二十卷唐補傳一
卷南史補帝紀贊一卷楚詞芳草圖譜一卷宋
鏡歌鼓吹曲騎吹曲各一卷睦州山水人物古
跡記一卷浦陽先民傳一卷天地間集五卷東
坡夜雨句圖一卷浙東西游錄九卷餘倣秦楚

傳
九
之際月表作獨行傳及左氏傳續辨歷代詩譜
皆未完所選唐韋柳諸家詩及東都五體詩不
在集中金華宋濂

贊曰翱一布衣耳未嘗有爵位於朝徒以被天
祥之知麻衣繩屨章皇山澤間若無所容其身
使其都重祿受社稷民人之寄其能死守封疆
決矣翱不負天祥宜負國哉翱蓋天下之士也
昔田橫不降漢拔劍自剄客之從死者五百人
若翱之志其有類橫之客者非耶吾聞之任先

生云

題謝臯羽傳後

劉基

阮籍哭窮途墨翟哭素絲賈誼上書期寤主下
和抱玉無人知人生有情不可塞謝生慟哭非
狂癡神奔鬼遁天地革龍魚貓虎三辰黑黼裳
玄袞換羶裘鞮唱羌歌滿中國生也何辜逢此
時有才不用空男兒伯益丘墟管仲沒孤根弱
植誰扶持既不能學申胥頓首血沾臆却吳再
建荆社稷又不能學鄒衍長號徹帝關飛霜六

月淒燕山空將淚灑荒岡雨添作秋濤撼江浦
君不見杞梁之妻善哭夫哭得城崩又何補夜
猿叫罷天晦冥哭聲搖動虛危星瀟湘竹歿鳳
凰去但見白波連洞庭嗚呼此士今安在金石
可銷心不改應將魂魄化精衛銜取南山填北
海

旌德湯
玉戾書

謝君舉羽行狀

方鳳

君諱翱字舉羽姓謝氏福之長溪人後徙建之
浦城曾祖景暉祖嘉至其父鑰以春秋學為婦
翁繆正字烈所器重嘗著春秋衍義十卷左氏
辨證六卷藏於家君世業幾冠已行聲試有司
不第落魄泉漳間會丞相信公開府杖策詣公
署諮事叅軍其畧見西臺慟哭記後避地浙水
東留永嘉括蒼四年往來鄞越復五年戊子夏
至婺遂西至睦及杭慕屈原懷郢都讀離騷二

雁本桐
作一

十五託興遠遊以晞髮自命為詩厭近代一意
邈盛唐而上文規柳及韓嘗欲做太史法著季
漢月表采獨行全節事為之傳大率不務為一
世人所好而獨求故老與同志以證其所得會
友之所名汐社期晚而信蓋取諸潮汐嘗為許
劍錄慨時降交靡者舊凋落盡吳越殆無掛劍
者思集同好姓字年爵居里擇地昔賢所嘗遊
作亭立石他日示宿草不忘意其遊蹟非勝絕
處不到如桐山鼎湖蛟門候濤沃洲天姥野霞

湖本山
作一

碧雞四明金華洞天探幽發竒所至即以遊錄
述所賦詠多昔賢文字所未及持以與人若載
異寶歸者遊倦輒憩發睦之江源月泉仙華巖
小爐峰三瀑布復愛子陵臺下白雲原唐玄英
處士舊隱有終焉之志且欲為文冢瘞所為稿
臺南甲午寓杭遺人劉氏女以女至是買屋西
山日與能文詞者造還乙未復來發睦尋汐社
舊盟夏由睦之杭肺疾作以秋八月壬子終蓋
於是距生年已酉四十有七矣乘沒時語妻劉

方鳳下本
有方幼學
與方本
作鳳與

吾去鄉遠交遊惟婺睦間方某翁某數人最親
死必以赴慎收吾文及遺骨候其至以授之辛
酉訃聞婺方鳳吳思齊睦馮桂芳翁登及弟衡
會小墟峰相嚮哭明日與方幼學方燾先往臺
南度可葬地甲子具舟之杭哭諸劉氏劉循治
命候庚午以遺骨歸殯桐廬買山營兆所度處
越明年正月二十八日丁酉窆以文稿殉兆在
故起居舍人范公端臣墓右地名嚴陵郡以著
名即其地從初志作許劍亭伐石表於墓曰粵

謝翱墓蓋君嘗入剡見戴顓墓表云然窆之日
同生年吳謙志壙其從孫貴以門人虞而歸婺
祠之月泉君遺稿在時舊所為恙棄去今在者
手抄詩六卷雜文五卷唐補傳一卷南史贊一
卷楚辭等芳草圖譜一卷宋鏡歌鼓吹曲騎吹
曲各一卷睦州山水人物古蹟記一卷浦陽先
民傳一卷東坡夜雨句圖一卷浙東西遊錄九
卷春秋左氏續辨歷代詩譜未脫稿選唐韋柳
諸家及東都五體在集外憶君始至時留金華

山中歲晚為文祭信公望天末共哭復賦短歌
行以寄餘悲自是與余為異姓兄弟不忍離離
輒復合每卧起食飲相與語意不能平未嘗不
撫膺流涕也君好修抱獨刺厲憤激直欲起古
人從之遊其樹立有如此者願死中年無後翁
衡與余子肖俱嘗從君授春秋未卒業諸學者
經指授率異嚮所能余雖早喪尚擬相從盡衡
霍之興歸而潛文字以老今已矣能無痛乎姑
叙奠末赴所知求為銘且以俟後世君子友人

從一作
與本

方鳳謹述

旌德劉
聖立書

謝君臯羽壙誌

吳謙

嚴子陵釣臺南岍唐玄英先生白雲舊隱西一
里是為晞髮處士謝君臯羽之墓君諱翱福之
長溪人徙建之浦城曾祖景暉祖嘉父鑰母繆
氏秘書省正字烈之女君襲春秋學試有司不
第落魄泉漳間丞相信公開府嘗署諮事叅軍
後遊浙東西州登釣臺慟哭公復作許劍錄思
集同好名氏築亭立石期哀暮無忘吳季子意
且將度臺南為文冢異日並玄英舊隱老焉其

其字上
一本有
偏字

會友之所曰汐社義取晚而有信甲午由鄞越
寓杭乙未春來婺睦復如杭秋八月壬子以疾
終于婦劉氏舍距生年己酉四十有七無子友
人吳君思齋等歸其骨買臺南地為兆域越明
年正月二十八日丁酉窆以文稿殉從初志也
君平居與同好情甚骨肉而疾惡如讐嗜佳山
水訪故老所至滯留類遊惰士至講誦編剡輒
忘寒暑饑渴凡所著述欲直追古人不務諧一
世意所不顧萬夫莫回也晞髮本楚詞因以名

其集有詩八卷文二十卷憶君始至婺時余二
兄尚無恙仲兄命其孫貴受業從者翕然余家
浦陽江水源延吳君思齋方君鳳為江源講經
社與君汐社合余與君同年生又相好也門祚
衰薄頻年哭二兄今又哭君追念死生離合之
故何能無感愴於斯遂伐石志君年行納諸壙
且俾貴於月泉精舍祠焉吳謙謹志

旌德劉
聖立書

宋隱士謝皋羽先生墓碑記

鄧椿

先生宋之義士也未仕故以隱名歿而葬此幾
三百年矣世邈代更文獻無考卒葬歲月俱不
可知唯孤塚堙漶於草莽間故里豪傳稿者輒
躐其上而穴之郡太守后峰楊公節推玉泉吳
公素欽先生風誼躬詣丘壠誅茆展拜目擊其
狀即逮而罪之遂令贖錘立石以表墓道蓋一
舉而兩得也欲垂示久遠復捐俸鑿石亭碑墓

側命兩峰鄧子為之記按郡誌先生諱翱字臯羽閩建寧人宋末文天祥起勤王之師翱參軍事及天祥被執翱匿民間人不知其為天祥客也晚愛睦州山水浮七里灘登巖光釣臺北向舉酒以竹如意擊石歌曰魂歸來兮何極魂去兮關水黑化為朱鳥兮有味焉食歌已失聲哭人莫詰其誰何唯友人方鳳吳思齊深悲之釣臺南有白雲源故方干所居翱率其徒游焉願即此為葬地作許劒錄及卒鳳等如言葬之所

著有晞髮集若干卷行於世竊詳誌傳徒撰其跡而未得其心宋室節義之臣天祥為冠而豪傑舉事莫有大於勤王者先生為天祥客而參其軍事必志同道合始相為謀天若祚宋天祥不執於五坡固將大有為矣而宵為民間之匿哉予知隱非先生志也清風高節自漢而後子陵一人先生志弗獲伸恥為
潔身遠引舍陵誰歸故棄親戚捐墳墓越數千里而投老於此地雖玄英故居心實慕陵風節而依附之也

墓碣言
誌乃謂晚愛睦州山水夫睦有丁溪越嶂之竒
然先生計安社稷而區區山水足嬰其情哉况
登臺北向之酌擊石招魂之歌詞旨悲壯蓋痛
憤其主之被執北去故遙望以吊之自不知哭
之失聲也友人之悲亦悲其大志未遂而豈以
流落不偶惜之使當時少易厥志苟圖富貴必
通顯終身不至遺孤塚於異鄉寂寞之境然先
生寧為此弗為彼諒亦其衷自愛自安青天白
日有不與草木同朽腐者在而可以尋常窮達

論之耶夫始客天祥之門生得其生也終墓子
陵之側死得其所也若先生其有宋之完人矣
予猶有感焉玄英沒於唐至宋范文正公繪像
祀之先生沒於元至明楊吳二公立石表之未
究厥抱於當時而各見重名公均垂芳於異代
百年之後遇亦竒矣果潛德隱行必久始彰而
天佑忠賢吾道終不爽與雖然玄英因舉進士
不第始隱較諸以宋室存亡為進退者大不侔
後之評先生者當伯仲子陵而玄英非所擬也

若楊吳二公表揚往哲以風勵後人則希文不
得專其美矣楊侯名金當塗人戊戌進士吳侯
名勲歙人丁酉鄉進士治郡協恭多善政邑倅
胡子鎮劉子廷相宋子宥皆効勤匠石之役而
樂為助者例得附書嘉靖癸丑嚴陵鄧椿謹記

旌德湯
玉侯書

名家評論

丹鉛總錄二則

新都楊慎

謝臯羽晞髮集詩皆精緻奇峭有唐人風未可
例於宋視之也予尤愛其鴻門謾一篇天雲屬
地汙流宇杯影龍蛇分漢楚楚人起舞本為楚
中有楚人為漢舞鸞鶻淬光雌不語楚國孤臣
泣俘虜君看楚舞如楚何楚舞未終聞楚歌此
詩雖使李賀復生亦當心服李賀集中亦有鴻
門讌一篇不及此遠甚可謂青出於藍矣元楊

廉夫樂府力追李賀亦有此篇愈不及皋羽矣
其他如短歌行秦淮沒日如沒鷓白波搖空溼
弦月舟人倚棹商聲發洞庭脫水如脫髮建業
水云太白入月魚腦滅武昌城頭鼓統統海上
曲云水花生雲起如葑神龍下宿藕絲孔明河
篇云牽牛夜入明河道淚滴相思作秋草婺女
城頭玩月華星君冢上無啼鳥俠客吳歌云潮
動西風吹牡荊離歌入夜斗西傾飲飛廟下蛇
含草青拭吳鉤入匣鳴效孟郊體云牽牛秋正

中海白夜疑曙野風吹空巢波濤在孤樹律詩
如驛花殘楚水烽火到交州夜氣浮秋井陰花
冷碧田山鬼下茅屋野鷄啼芋蘿戍近風鳴柝
江空雨送船鄰逋燈下索鄉夢戍邊回紫關當
太白藥氣近樵青暗光珠母徙秋影石花消下
方聞夕磬南斗挂秋河雖未足望開元天寶之
蕭牆而可以據長慶寶曆之上座矣集多皋羽
手抄濕字多作溼蓋從古字溼之省史子堅糝
格載漢碑有此字觀者弗識或改為法非

謝臯羽為宋末詩人之冠其學李賀歌詩入其室而不蹈其語比之楊鐵崖蓋十倍矣小絕句如牽牛秋正中海白夜疑曙野風吹空巢波濤在孤樹絕妙可傳郊島不能過也



晞髮集目錄

卷之一

宋饒歌鼓吹曲

日離海第一

天馬黃第二

征黎第三

上臨墉第四

軍澧南第五

隣之震第六

母思悲第七

象之奔第八

征誓第九

版圖歸第十

附庸畢第十一

上之回第十二

卷之二

宋騎吹曲

親征曲第一

回鑿曲第二 三首

遣將曲第三 二首

歸朝曲第四 二首

諭歸朝曲第五

李侍中妾歌第六

孟蜀李夫人詞第七

南唐奉使曲第八

伎女洗藍曲第九

邸吏謁故主曲第十

卷之三

古體一

芳草怨

春江曲

子夜吳歌

烏栖曲擬張司業

廢居行

古釵歎

雙桐生空井

飛來雙白鶴

山中曲擬張司業

遠遊篇寄府教景熙

峨眉老人別子歌

瓊花引

短歌行

秋日擬塞上曲

故園秋日曲 四首

咄咄復咄咄

桂花引

賦得建業水

賦得北府酒

楚女謠

後瓊花引

邳州哭

秋風海上曲

明河篇

射鳩行

虞美人草詞

劉寄奴草詞

雨中怨

白紵歌

陌上桑

折楊柳

卷之四

古體二

廢瑟詞

飛仙引遊沃州水簾谷作

樊夫人上昇詞

俠客吳歌立秋日海上作

島上曲

二首

落梅詞

望蓬萊

結客行

古別離

荅卿冢行

和靖墓

蓮葉舟

玉井水

送人歸烏傷

覓紫芝

雨後海棠

登廣陵寺塔望南高峰

雪度

閱方史君登行狀

食齋歌送別方安道

夜宿南明縣齋

書畫梅花水仙卷

冬青樹引別玉潛

小元祐歌寄劉君鼎

句章見月食

避暑城西觀吳道子畫老君像

趙安天北遊求詩安天韶王孫作詩送
之

避暑崇法寺

鄞女墓

寶幢山尋黃提刑震舊避地處

城西廢園

卷之五

古體三

寄題何氏綠綺樓

夏日遊玉几山中

雨飲璽瓏岫下

翠鍊亭避雨

過舒臨海故宅

鏡蛇嶺長耳僧

觀水

聽雨

寄所知

池上萍

十日菊

飲飛廟迎神引

鴻門謨

贈寫照唐子良

種葵蒲萄下

送殘暑

有洗舊誥綾作青色鬻將以為緣以紺
繒易得之作手卷賦小樂章求好事書
其後

廣惜往日

雪中方四隱君訪宿有詩憶鹿田風雨

舊遊奉和并呈吳六黃府

九日

送袁太初歸剡原袁來杭宿傳法寺寺
在德壽宮北今行路及園即宮舊址
雜言送鄭主簿炎之官昌化

卷之六

古體四

避暑池上擬古

擬古 二首

九日前子善來會山中

九日集葆山寺得載字

九日禺中登沃洲放鶴峰南望天台諸
山

五日山中

寄題山陰徐氏林亭 三首

九日黎明發新昌望天姥峰

五日觀瀟湘圖

玉麈尾

錢如意

謝子靜寄端午藥煎

因北遊者寄峨眉看家先生先生曾宰建
之浦城故末章及之 二首

寄東白許元發

秋暑飲僧舍分韻得界字

擬古寄何大卿 六首

巖居效賈島

萍間稗荷效王司馬體

效孟郊體 七首

卷之七

五言近體上

失題 二首

中秋憶山人

僊華山招隱

答烟蘿隱者

送人歸蜀

憶梁禮部椅

拜玄英先生畫像

哭正節徐先生

送汪十

槿樹

悼南上人

元日讀老子望瀑作

雨中觀海棠

哭所知

二月十日

九日韶卿子善有約不至子靜亦歸桐
廬與景雲飲瀑下作

呈王尚書應麟

山陰道中呈鄭正樸翁

送毛耳翁之湘南

寒食姑蘇道中

別子靜却送之雪

哭肯齋李先生

八詠樓

至日憶山中客

懷峨眉家先生

哭廣信謝公

雨夜呈韶卿

暮春感興

秋日憶過秦國公主園

送道士歸赤松

送僧之天台

雪水

用韻鼎友人憶寄

鼓子花

山寺送翁景芳歸覲

寄朱仁中

僧舍避暑分韻得入字

遊釣臺

西臺哭所思

江上別友

題翁徵君集後

除夜聞雷

卷之八

五言近體下

元日枕流亭聽雨

春日寄書代鄉人答

人日雪

早春寄嶺海流人

過孫君文舊避地處

春日遲子芳遊烏龍山

奉和毛益亂後經太白墳

憶過徐偃王祠下作

山驛送春

蜂

雨中感懷

桐華

僧池青蛙

夜宿江山寺

雪榻瀑布

虎石

寺南小池

夏夜山房會宿賦得竹禽

芭蕉雨

中秋龍井翫月

夜坐呈韶卿

韶卿往烏傷寄劉元益

寄贈王僉判龍澤新之官廣陵

十日菊寄所思

野霞觀瀑

萬松道中望南太白

己丑除夜

元旦立春

寒食同方行父明中往綠渚舟中作寄

東安方子仁

雨宿太白

寄育王賢上人

海亭夜坐

採藥候潮山宿山頂精藍夜中望海
夜宿雪竇上方

魯國圖詩并序

董孝子墓

卷之九

記上

遊僊華巖麓記

自巖鹿尋泉至三石洞記

月泉遊記

粵某山蜂分日記

山陰王氏鏡湖渙舍記

樂閒山房記

小爐峰三瀑記

卷之十

記下 序

遊赤松觀羊石記

金華洞人物古蹟記

鹿田聽雨記

遊石洞聯句夜坐記

睦州詩派序

登西臺慟哭記

晴可

卷之十

小數半三

樂關山

山前王

晞髮集目錄終

旌德湯
玉侯書

晞髮集卷之一

粵謝翱

宋鏡歌鼓吹曲

太祖嘗微時歌日出其後卒平僭亂證

於日為日離海第一

日離海青瞳隴沃以積水涵蒼穹神光隱豹霧

空氣呼吸為蛇龍赤雲衣紫霓從吹白泉宿歌

大風天吳道清海宮

右日離海十四句句十二句句三字二句句

四字

宋既受天命為下所推戴懲五季亂誓
將整師秋毫無犯為天馬黃第二

天馬黃產異方龍為馬白照夜氣汗雲聲萐野
備法衣引宸駕騰天垠倏變化閔之餘廟以霸
閱八姓瞬代謝驅祥靈入罟獲皇上帝監於下
誓無諱出既禡市日中不易賈坐明堂朝諸夏
賚萬方錫純嘏

右天馬黃二十六句句三字

宋既有天下李筠懷不軌據壺關以叛
王師討平之為征黎第三

黎之壘彌蒼莽迤壺關屬上黨有雄矯健曰餘
宿將於故之思泣示厥像倚孽狐勢方張辨臣
獻議勸下太行趨懷孟虎牢計之上爭洛邑以
東鄉王師奄至扼其吭帝授方略中厥狀獸窮
駭突死卒以煬脅從已逮孥肆放凱歌回皇威

暢太行依吳棧讀
如輩行之行

右征黎二十六句十四句句三字十一句

句四字一句句五字

上親征李重進至廣陵臨其城拔之為
上臨墉第四

上臨墉戈耀日
韎韐指顧流電疾
臯止其魁不及卒
其魁則頽曰予
虢自出坐於轅門
斧以率歸子往諭
泣股栗語中其肝
至畢述侍不及屏
沮回適鞠投於燎
甘所即皇仁閔下
馬如止蹕貌
猊徹竈歸數實獲
其棘矢納世室

右上臨墉二十四句十二句句三字十一

句句四字一句句五字

湖湘亂命將拯之至江陵周保權已平
賊出軍澧南以拒卒取滅亾為軍澧南
第五

軍澧南潰飛鳥鷹隼北來龍蛇夭矯帝有初命
奉致討臨於荆妖孽既掃胡驅而孕雉入蒼莽
以保王旅長驅颯振槁以仁易暴戒擊剽惟荆
衡及郴士如林磔其節螽春葩秋陰我有造於
南尼心切式敷德音

右軍澧南二十句句七句句三句九句句四
字四句句五字

王師拯湖湘道渚宮高繼冲懼出迎悉
以其版籍來上為隣之震第六

隣之震震於戶戒登陴徹守御神威掩至不及
拒泐楚以南菁茅宿莽獻於王吏奉厥土天子
有詔侯西楚自南北東皆我疆龍旗虎節拜降
王秦戈鞏甲期韜藏冕旒當中乘衣裳

右隣之震二十句句十一句句三句九句句

四字

蜀主昴懼陰結太原獲其謀六師征之
昴至以母託上許歸母數日昴卒母以
酒酌地因不食亦卒為母思悲第七
母思悲母于歸母聞帝語妾歸無所妾生并土
蜀壘芒芒奄失其疆初帝謂母子昴來小者侯
大者王有疾其肌載粟於劊畢有下土方歸母
於鄉天不女奪朕言不忘

右母思悲十六句句五句句三句十句句四

字一句句五字

劉鋹亂嶺南為象陣以拒王師象奔蹏
反踐俘鋹以獻為象之奔第八

象之犇斯惟迹蹶蹶魚麗駕空雲鳥潰南草浮
浮順於貔貅焚其帑實棄厥阨皇風播平聲霧
星辰起皆北走唐季以來逆雛來味頽海肅清
無留後於汴獻囚凱歌奏

右象之犇十八句句八句句三字十句句四

字播協畢后
反走音奏

上命將平南唐誓城陷毋得輒戮一人
眾咸聽命為征誓第九

帝命將臣誓師於征伯禡牙於庭曰無劉我人
曲阿惟唐以及豫章孽於南國楚粵是疆我師
孔武聿禽其王始怒額額將臣不懌曰如上命
即起予疾弓韜於衣刃以不血收其石程焚其
侈淫視於丁寧箬羽不飲平取其鑄磬平以獻於
京於廟告成垓埏既平

右征誓二十四句句二十三句句四句一字

京本廟
作坊

句五字

錢氏奄有吳越朝會貢獻不絕於道至
是以版圖歸職方為版圖歸第十

版圖歸職方昔服跗注備戎行帝錫之旆龍
鳥章酌獻命與胥今上及秦王外臣拜稽首笑
頷帝色康畢同軌來於梁畢靈奕奕敷重光願
止劍履覲帶裳四海臣妾配虞唐

右版圖歸十八句九句句三字五句句四
字四句句五字

陳洪進初隸南唐崎嶇得達於天子至
是籍其國封略來獻為附庸畢第十一

清源無諸邦力弱臣秣陵間道遣進表九門望
日旌願賜鄒與鄒自達天子庭四隣彫霸業國
除洗天兵皇靈暢遐外蠻俗邇聲明歸其所隸
州乞身奉朝請音青帝命得陪祀湯沐在王城從
茲附庸畢歌以頌河清

右附庸畢十六句句五字

太祖征河東班師以伐功遺太宗卒成

其志為上之回第十二
上之回舞干戚鳴鸞在鑣士飽力桴鼓轟騰罕
山北餘刃恢恢軍容肅穆王畿主辰參後服神
繼聖伐功卒扼以偏師斷北狄矢敢鳴房蝟集
的質子援絕親銜璧并俗嘖嘖附於化以安得
其屈產歸帝閑四夷君長來稱藩籥節夷樂示
子孫

右上之回二十六句十三句句三字十二
句句四字一句句五字

晞髮集卷之一終

旌德劉
聖立書

晞髮集卷之二

粵謝翱

宋騎吹曲

親征曲第一

雲屯列竈驅貔貅殿前殺馬祭蚩尤勾陳蒼蒼
太白濕賊帳夢驚繞營日軍呼萬歲推太行華
留東抹流電光重華繼堯坐乘拱并土再駕無
葛疆

回鑾曲第二

建隆親征回鑾二之一

徂暑黎陽車駕歸掃清氛翳兵更衣江都朔雲
車駕出凱歌消冰供尚食都人引領望翠華征
人一月俱還家

開寶親征回鑾二之二

長堤夜幸士素飽孤城沈竈無飛鳥從征鹵簿
拜上恩太常朝上回鑾表

太平興國回鑾二之三

都人望氣歸瑤闕星掃茸頭落參伐西人冉冉

留紫雲六飛擁日歌回軍

遣將曲第三

平荆湖遣將三之一

天門雷動開風雲內前盡給羽林軍聖人神武
授方略斬將搴旗各駿奔王師所過如時雨洗
濯焦枯嚮荆楚重宣德意弔遺黎素服軍前釋
俘虜全家到關拜上恩詔書為築先臣墓

下劍門遣將三之二

神風流霆驅偃草天兵夜下西南道虎賁長戟

來鳳州歸峽銜枚疾如掃廟謨萬里諗諸將山
川曲折圖形狀天同鬼授契若符坐減累息虜
供帳歸來論功授節鎮饒鼓殿前歌破陣

歸朝曲第四

南平王歸朝四之一

荆南萬里朝天道巫女雲荒產芳草錦韉道賜
帶盤鵬方物南來進龍腦願陪郊祀依日光供
帳歸朝親奉表勳階邑食及隸人移鎮徐戎作
家廟人生富貴侯與王四海為家皆故鄉

吳越王妃歸朝四之二

勾吳月令牽牛中

妃以開寶九年
三月隨王入朝

翟第乘風來闕宮

隨王劍履朝上殿黃門夜趣長春宴昭容引班
入內朝龍袞當中開雉扇宴罷朝辭生局促詔
賜離宮作湯沐先王蒸嘗澤有差上恩許歌陌
上花

諭歸朝曲第五

淮南草濕網蟲露家在先朝父尚主真人御極
四海歸偃塞不朝稱節度夜持鐵券為爾賜上

恩特遣儀鑾使神離魄奪取族夷功臣効命錫
龍旂

李侍中妾歌第六

李筠愛將惟僂珪美人姓劉筠侍兒城危捨撥
不得力兩損鉛華帳下啼擁髻前言馬有幾猶
說閨中那問此赤龍從東乘日車火繞城門內
蛇死英雄際會風雲奔婦人思報羅裳恩

孟蜀李夫人詞第七

春荒曲薄蠶叢土屈狄歸朝辭廟主官家呼母

恩許歸劍閣并門無處所一作淚如雨故衣升屋棺四

繞出門哭子汴州道回腸酌酒三致辭已蜀

如歸化啼鳥老身不入追爾魂鹵簿臨門拜上

恩

入本
食作坊

南唐奉使曲第八

孤城圍中拜右史侍書猶對重瞳子請行忼慨
期緩師奉命日馳三百里河流遡風車北首便
殿蒙恩引天袖臣肝有血不濺衣寸舌欲存建
王後奇胸如江湧崔嵬慟哭不得天顏回

伎女洗藍曲第九

後庭朱黃作衣裏伎女帳帷青曳地碧綠夜挂
寒不收緣此洗藍渟露水外間學染因得名不
省歸朝為國氏他年寄生產鴟尾空憶宮中鳥
銜子

邱吏謁故主曲第十

額南使鶴日教戰巫女才人謔相見南橈欲載
遠遊冠衛士盜船去不還夢見隨停上江邱道
謁淒涼惟故吏自言置邱本先王方物入朝緣

此至聞言含咽涕灑江况乃園人舊姓龐淚辭
嶺海無歸處蒙恩祇向江陵住

晞髮集卷之二終

旌德劉
聖立書

晞髮集卷之三

粵謝翱

古體一

芳草怨

湘雲離離沉曉月
 疏麻夏死白水發
 傳芭楚女辭帳中
 夜逐霓旌南過越
 荆岑越嶠殊百草
 恨結柔絲香不老
 紅杏搗鹽貫斧創
 青子滿地枝如掃
 刺桐樹朽猩猩在
 佩雜芳蕤散秋海
 鄉來青鳳食花去
 瞻望靈均涕零雨

杏坊
本作
英

春江曲

妾身生長臨江邊，幼嫁酒家學數錢。自從夫婿
去，為賈別妾初下武昌船。洛陽歸雁不寄影，雋
州書到已三年。別時夢指水為誓，惟有海鳧見
妾淚。愁拋錦字下中流，卻見海鳧淚如水。

子夜吳歌

玄髮照秋水，茱萸香未歇。風吹夜合花，露濕衣
上月。

烏栖曲擬張司業

吳宮草深四五月，破楚門開烏啼歇。美人軍裝
多在船，歸來把弓墮。弓絃越羅如粟，越王獻宮
中。養蠶不作線，轆轤出屋井。水淺梔樹花，菱子
如繭。烏栖烏啼宮燭秋，越女入宮吳女愁。

廢居行

海濤翻空秋草短，白蛇入窠啗雀卵。經年廢屋
無居人，孕婦夜向船中產。歸來多雨白生魚穴，
蟲祝子滿戶樞。隣家置屋供官役，買得沂王園
令宅。

古釵歎

刑徒鬼火去飄忽息婦堆前殞齊發白煙淚濕
樵叟來拾得慈獻陵中髮青長七尺光照地髮
下宛轉金釵二持歸熏沐置高堂包裹恐為神
所將妻兒朝拜復莫拜冉冉卧病不得瘥省知
天物厭凡庸夜送白龍潭水中扣頭卻願祈免
死永入幽宮伴龍子

雙桐生空井

風飄白露井梧落葉上九九綴靈藥琴枝連理

鳳鳴晨轆轤雙轉銀餅索

飛來雙白鶴

飛來縹緲立在門嚼銜竹花臆欲言雄雌來去
眼如霧客已彷彿知其人笙簫忽遠不知處知
在雲窻與綠戶

山中曲擬張司業

夕煙沉曙煙起野爨濕茫茫空竿弄塵水楫欄
倚西南雲生茶團團如車輪桑弓蓬矢半刀
筆去者送盡無來人捫蘿慟哭衫袖冷白首空

倚字上舊
本俱失一
字

回掃山影

遠遊篇寄府教景熙

朝遊扶桑根不折拂日枝莫食楚萍實掬海見
虹霓黃鸝別我影目盡漢水湄况復銜其子風
露何當歸飄蕭軟桂叢零落紫苔衣夢魂知爾
處落羽在瑤池

峨眉老人別子歌

峨眉有老人奉命過嵩少天風吹西翼冉冉明
夕照濕塵紛墮天髮白更待報有子為異物不

得入家廟慟哭東南雲相望滄海嶠青鳥年年
來寄書久不到

瓊花引

后土祠前車馬道天人種花無瑤草英雲蕊珠
欲上天夜半黃門催進表酒香浮春露泥泥二
十四橋色如洗陰風吹雪月墮地幾人不得揚
州死孤貞抱一不再識夜歸闌風曉無蹟蒼苔
染根烟雨泣歲久游魂化為碧

短歌行

秦淮沒日如沒鵲白波搖空溼弦月舟人倚櫂
商聲發洞庭脫木如脫髮寒蛩哀啼衆芳歇晨
梳青林望吳越吳歛越吟浪花舞秋槎溼劍歸
無所愁生酒醒聞山雞石鏡飛花汗如雨起抬
如意擊樹枝為君悲歌君淚乘

秋日擬塞上曲

落日燉煌北妖星太白西涼風吹沙磧帳下玉
人啼吹沙復吹草嘶馬未知道醉後聞塔鈴胡
天忽如掃野駝尋水向月行露下胡兒食秋棗

故園秋日曲四首

空園久閉無人住城烏應入巢其樹食盡滿園
綠荔枝引雛飛去人始知

故園曲之二

茅茨竹外烟火青杉雞啁晰向田鳴家家紅鹽
殷新杵綠樹裹劊子如雨

故園曲之三

龍蛇已去荒窟宅翻藕人人下劊池岸池藕盡
無浮葉惟有青青榕樹枝

故園曲之四

粵王山下霧如雨吹入羅襟楚女啼身逐千艘
落南去惟有檣鳥飛向西

咄咄復咄咄

咄咄復咄咄野風吹雲起草坐竹塵陰陰不見
山雞飛上樹海沒鷗人間舊事新白頭淮南小
兒未識愁淮南老翁叫無力瓦盆盛水看日食

桂花引

風生河漢吹鳴璫桂宮神斧伐遠揚西遊真人

得竒曲九門不鎖天雨霜人間青烟濕塵鞞藥
臼嵯峨壓天夢

賦得建業水

建業水秋風動揚子魚龍夜落星斗南潮沒潮
生蒼鷁起他年冠蓋物具美風吹小船入城市
潮去不來風日死白浪黃塵烟霧裡中有長魚
食鱸鮓解后食魚何處是西上國門望武昌風
雨徙魚來漢陽武昌魚勞聚寒慘太白八月魚
臄減武昌城頭鼓統統

賦得北府酒

北府酒吹濕宮城柳柳枝著地春
乘乘祗管人間新別離離情欲斷
江水語女兒連臂歌白紵淮南
神仙來酒坊甲馬獵獵羽林郎
百年風物烟塵蒼老兵對月猶
舉觴青帘淚濕女墻下曾識行
軍舊司馬

會稽本俱
作增今依
宋詩鈔改
正

楚女謠

楚山蕭蕭吹紺髮楚女採蓮歌
夜發年年種蒨遲城藕水深
拔根絲在手懸房學繭秋雨多
化

為魂夢巢蜂窠前花作實采已
盡後花尚藥船未過昨昔浮萍
隨漲水濕紫寒青裹蓮藥

後瓊花引

揚州城門夜塞雪揚州城中哭
明月墮枝濕雲故鬼語西來陰
風無健鶻神娥愬空衆芳歇一
夕蒼苔變華髮宮花窄簾塵掩
襪玉華無因進吳越灘灘淮水
山央央誰其死者李與姜

咸恩坊本
作鴉愁

邳州哭

邳州哭井水竭去年哭母瘡海
熟今年此日來

邳州母死未禫子為囚邳州土濕淚長在化為
蒼苔色不改雨洗游魂歸瘴海

秋風海上曲

秋風吹水龍上天龍女抱珠海底眠水花生雲
起如葑神龍下宿藕絲孔巨鼈鬣扇鼉鼓隨赤
魚鱗鬣陳旂旂海人見此失摻網歸對妻兒月
下紡自言移家來磧中十載秋風潮不上老夫
一人語門前見此已是開皇年

明河篇

牽牛夜入明河道淚滴相思作秋草嫠女城頭
玩明月星君冢上無啼鳥天寒露淨沾衣巾明
河倏化為白雲雲飛蜿蜿秋在水石壓槎頭海
烟起

射鳩行

少年操弩挾兩矢朝射青鳩莫射雉人言雉雉
蛇所化欲食躊躇筋不下街頭得錢爭買鳩網
林抉藪無時休老父勸兒食且止燕安有毒况
珍美爾不見鳩食半夏鳴爾屋爾母食鳩有藥

雉本
鳩作坊

毒

虞美人草詞

觸樓起語鷓鴣叫嘯山精夜啼楚王廟渡淮風雨
八千人叱咤向天成白道身經百戰轉危凶狼
籍悲歌出漢堡夜帳天寒抱玉泣血變草青烟
曉濕他年辟仇春草生吳中草死無妾名自從
為草生西楚得到吳中猶楚舞

劉寄奴草詞

榛中小草夏蔚蒼菜如杜艾花如毳少年防塞

得命生出鏃肉中無粟起向來神姦見白晝溼
竹烟青聞杵臼英雄奮臂徵此時唾落虛空散
林藪漢家白蛇入本紀况是天王舊支子豈知
苗裔在民伍蛇鬼猶呼帝小字

雨中怨

妾在江南家楚東憶君月落雨聲空夜來入夢
君無語落月同看雨不同

白紵歌

江頭蓬沓走吳女浣水為花朝浣紵畫隨晴網

曬日中夜覆井欄飄白露織成素雪裁稱身夫
為吳王成柏舉田家歲績供布縷獨夜詎如妾
愁苦

陌上桑

旭日瞳矇颺拂羽落萼空條生曉霧人生顏色
逐春妍夏葉餵蠶少絲縷蘭膏照繭未登簇露
濕頭梳惟水沐卻憐隣女學鍊真藥爐七過煮
桑薪縱逢蕭史上天去甕盆生苔愁殺人

折楊柳

月時折柳江頭別春去來看柳上月翠翎小鳥
巢短枝巢老重重編敗髮人生貧賤多別離巢
中髮密妾髮稀人生富貴能幾時年年柳色青
綠柔

晞髮集卷之三終

旌德劉
聖立書

晞髮集卷之四

粵謝翱

古體二

廢瑟詞

發埋空山販繒客草中惟棄秦時瑟樵夫拾置
貽樂工朱徽作絃如墨色自從漢曲入鏡歌清
廟無人傳不得至今崔嵬人已死越庭春蟲聞
况子

飛仙引遊沃州水簾谷作

赤城後門桃花尾濕浸薜蘿洗蒼耳小支菩提
海上來天風吹下谷簾水斜珠界左轉復右華
蓋懸肝三葉紫內間肉芝承乳流鬼母仙姝臨
洗胃蒼龜守闕朝太微色阻讒神誣奏事海桑
男子在謫籍驅鹿行車閏年至

樊夫人上昇詞

四明山樊榭即漢劉綱與夫人樊氏上昇
處

石壕粘牕秋見海山雞夜啼弄毛彩王孫吹笙

導夫人青髮凌風素霞在雨塵離地白浩浩河
西種星榆樹老海桑童童日出歸衣溼上池洗
頭草

俠客吳歌立秋日海上作

潮動秋風吹牡荊離歌入夜斗西傾飲飛廟下
蛇會草青拭吳鉤入匣鳴

島上曲二首

皮帶墨鱗身卉衣晚隨鬼渡水燈微石門犬吠
聞人語知在海南種蛤歸

島上曲之二

夫招賈客歲經遼自到城中賣織綃卻買鉛華
采珠母檳榔露下月中調

落梅詞

北風花糝枝春風花糝衣青鳥夢中見畏來花
下飛豈是得春遲因緣別春蚤夜濕灞陵苔半
在古馳道入瓦雪冥冥離樹香草草那無返魂
術不忍見春老

望蓬萊

青枝啼鳥波延延方士指海談神仙五雲乘天
光屬夜老父相傳說車駕千官此地佩宛宛舟
發黃門止供頓繞樯赤日護龍旗西北驛書馳
羽箭百年塵空滄海晚月落無人度灞澹鷄鳴
白石爛如銀蓬萊不見夷州遠

結客行

結客衛京師棄家南斗陸相看各意氣欲取遼
陽歸事左脫身去豈為無所為家藏楚王子手
執五陵兒泣奉先主令白旗歸天揮鞭屍讐必

報函首捷終馳力盡志不遂以死謝漸離

古別離

仙人別母母哭啼遺以神藥乃醉之醒來哭定
記兒語食此庭前雙橘樹菜能禦飢病能愈豈
似當時逐兒去隣翁有女立我前取刀剖腹爾
勿憐但爾嫁夫能治田生子不願生神仙

花卿冢行

山谷云花卿冢在丹陵之東館鎮至今猶
有英氣血食其鄉

溼雲模糊埋秋空雨青沙白丹陵東莓苔陰陰
草茸茸上聲云是花卿古來冢花卿舊事人所知
花卿古冢知者誰精靈未歸白日西廟鴉啄肉
枝上啼絛州柘黃魂正飛

和靖墓

山中處士白麻履死後無書獻天子青童玄鶴
晝上天夜下玉棺葬湖水湖堤四合封如髮芳
樹玲瓏倚春雪百年鳳舞雲霧空玉椀人間出
句越宮嵐塔雨恍如失飛網繞湖冠聚鷗琳宇

赫芝秋寒磨斗下無人祠太乙

蓮葉舟

溼雲冉冉依芳芷楚女神絃迎帝子天人種蓮
露染根一片碧花秋墮水笙簫聞聲影如夢浮
花漠漠船來重神蛟蛻腸江水涓化為五色光
陸離中有玉人跨蛟舞藕根斷絲胃人衣碧瞳
秋髮眠清夜按肌不粟清露下

玉井水

玉華翳日神封井液冷秋根洗雲影年年天女

下來觀露濕風吹太華頂水枝脫葉隊欲舞青
鳥伺枝忽銜去夜深井氣白吐虹井中龍子如
守宮凡人不敢飲此水徃徃夢寐游其中

送人歸烏傷

湖邊老屋墻壓籬飢鴉啄雪枝上啼湖中葑田
產菰米菖蒲花開照湖水蒺藜老翁呼不起曾
入東宮教皇子文雅風流俱掃地瓦礫擲人老
兵醉後園小坊近市廛借人樗蒲無稅錢君歸
故里何所憐

覓紫芝

少微昏見莆觴中山深夜氣光流虹青芝獨產
林下石染根濕雲如紫漆天門夢斷路初回山
鬼守根不敢食銀泥徹鎖守者疲老翁持咒取
夜歸明當食之聞鬼哭對爾洗腸還入腹

雨後海棠

春光搖搖一萬里野粉殘英空蜀水天人愁濕
紅錦窠萬里移根泪如洗蒼苔裹枝雪墮地雨
中聞有西南使化為黃鵠凌空青開時銜花落

銜子綠章青簡下蓬萊滯魄游魂恨未已至今
鸚鵡啼猩紅不随明月葬空中

登廣陵寺塔望南高峰

寺碑紀太宗
潛藩時事

城池風烟杯度僧廣陵孤塔懸晝燈塔燈上齋
南高雲南高峰顛祠歛神靈旗蕭蕭卷清雨結
喉巫陽能楚語回望人烟塔峰北惟有空城臨
水澣赤蛇不神江海翻藪澤狐狸作巴舞當年
介弟階防禦玉鸞青鞭上天去

雪度

千山萬山雪崔嵬欲流不流水洄洄蟄熊出穴
戍草短客行心急夢歸來南園桑柘未生菜南
溪渡頭不可涉朝種木蘭拔為楫

閩方史君登行狀

九江黥王所理州喪年仗筭作諸侯唐人舊隱
衣冠盡歸闔宮潮不得覲天吳舞罷塵土飛廿
入音載音猩雲寄歸殯當年電隙豈所問生死身名
惟轉瞬睦人共說方饒州番人作廟祠唐震

食齋歌送別方安道

猩坊本作
作空

山中齋發燒餘地與君為客同食齋齋長故君
收燼餘君歸食齋如食茶我家甌越草應出土
溼烟青歸不得相逢舉酒復為別對君盤中不
忍食

夜宿南明縣齋

朝陰扣舷清剡曲暝投天姥峰前宿桂蟲食菜
露濕身影落莓苔雲蠹蠹天風吹枝斷未殊夢
尋杳靄來絳車下車者誰藏姓氏夜向瓊臺讀
諸子覺來隱隱聲在耳月向西南望為水

書畫梅花水仙卷

風吹鞭露明微照芳雲弱植仙姝廟髻鬟零亂
在枕函月裏羅浮夢中到鮫綃拂塵蟬翼隔窓
霧凝寒唯影入曉來坐對殘空標翠翎不見額
黃濕

冬青樹引別玉潛

冬青樹山南陸九日靈禽居上枝知君種年星
在尾根到九泉雜龍隨恒星晝霄夜不見七度
山南與鬼戰願君此心無所移此樹終有開花

雜一作
護宋詩
鈔同
與一作

見一作
光

時山南金粟見離離白衣人拜樹下起靈禽啄
粟枝上飛

小元祐歌寄劉君鼎

前甲子小元祐句章稜黑權臣死端平天子初
改紀襲芳泰陵種蘭芷當秋淮甸枯草黃彎弧
北向射天狼狐南星光天狗隨入蔡生擒完顏
王是年南海無波浪月溼珠胎君以降只今六
十空白頭獨騎麒麟補春秋天回星周美惡復
人世更傳蔡州錄

句章見月食

穀州見月如魚口沫聚痕消暗牕鄞城見月
如破臼棄藥舍垢掛南斗龍蛇伏氣諸腦空水
中睡失羣陰母其間海禽獨夜啼黑雲赴海同
奔犀市人識母不識父擊拆摧扉救月死况值
蕤賓月十五干神附甲支在子孤子哀吟離楚
尾泪落荒江吊南紀猶憶秦淮哭日年不敢仰
視看盆水

避暑城西觀吳道子畫老君像

溼煙掛龍天海頭角城溽暑如炎州白氛翳景
失樓閣蓬萊縹緲不可求解衣揮塵子城下地
湧青蓮隣古社卷簾看畫人猶龍矯首見龍還
見畫碧幢髮雪垂過耳弄筆者誰吳氏子

趙安天北遊求詩安天韶王孫作詩送

之

海雲抱漚海水熱道路征人裹冰雪憐君獨作
萬里遊雨把蓮莖手中別蓮莖刺多蓮葉溼翻
為君衣覆為笠汴南淮北多故人馬上相逢泪

相揖故園萋萋長草根
遲君歸來洗雨痕
青鞭碧影角湖曲
芳夢猶到韶王孫

逃暑崇法寺

城南古寺涼生處
草色遙連孝子墓
碁局雨生苔蘚文
袈裟晴挂芭蕉樹
自笱閣黎修白業會
公惟與舒王接
只今塵土影堂空
石上猶鐫麻紙帖

鄞女墓

網草新垂月中露
青禽夜宿菱塘階
寺西幽修

階一作渚

雲覆土知葬舒王下
殤女百年光塵事事新
皇子夫人墓作隣
民間壓勝祈新鬼
穉鬼久隨風雨陳
去來侶爾勿復道
白下鍾山夢中老

寶幢山尋黃提刑震舊避地處

甬東寺裏逢陳若
雙袖龍鍾行帶索
問知黃公舊避逃
寶幢山下坐叢薄
日惟一食禱先靈
不願拾得不死藥
仰天呼號得正終
一往不復至城郭
公初著書女立旁
公歿母亡家蕩落
予為戶曹取公女
欲敘因由無與語
得來與子雲林

雲林一作雲坊

晞髮集卷四
十
莽月落山空識其處

城西廢園

水門夾西雨連越鄴瓦畊殘莎草茁誰知當日
夫容園溼路迷城暗車轍夫容青根聯戚里美
人對博蓬山裏潮痕欲上紅露晞知是日高梳
洗起園南禁絕人行道中有民間舊宿草廢園
起黛鳴竊脂寒日始應通祭掃

晞髮集卷之四終

旌德劉
聖立書

晞髮集卷之五

粵謝翱

古體三

寄題何氏綠綺樓

北岸有高樓其南多藥樹仙人晝采之遺佩鄉
江渚化為綠綺琴軫微微已具有客來南方振
衣坐其處風吹朱鳥巢欲落鳴至曙山分地肺
雲水流天目雨別去重所思別時不能去

夏日遊玉几山中

曳舟來山中出郭稅吾駕獨慕忻衆勝晨發乃
及夜豈無城中山愛此足幽野橫陳玉几峰隱
護碧殿瓦并州古男子禮塔於此舍而我飲冰
人猶為內熱者擬攜桃枝笙舒卷得餽暇明席
織海草因之一枕藉冷風吹雪空相與坐其下
雨飲玲瓏岩下

垂雲起嶽嵌衣被松與桂夜舍星斗光隱若金
石氣雨來輒阻之不得撫蒼翠下有桑門子飲
用陶匏器盆中蓄海石左顧如牡礪疑此磧上

來不知幾年歲桑門却問客所居何姓氏回指
南海峰蒼茫倘一至

翠鑠亭避雨

亭有魏王妃所題字尚新王嘗以皇
子成德軍節度使鎮明故妃至其處

客有遊山衣著久如薜荔行行萬翠亭忽作風
雨憇仰面無所覩梁間有題字問此何人書婉
婉有弱氣云昔魏王妃學書似李衛乘雲到此
山洒墨在空翠塵風吹土花倏忽景物異疑此
夢與仙不類人間世

過舒臨海故宅

選宋
詩鈔
作選

破壁濕海蘚水暹日氣蒸云是舒公宅其孫艾
且仁昔公初作尉視事即斬人上書稱臣亶待
罪滄海濱天子有詔至汝亶可治民爾時荆文
公上方邑之鄞聞此輒異之久會公秉鈞謂此
非狂狷引用至中丞立朝思塞譎庶以報君親
蘇公下詔獄讒者用事新於此與有力豈為重
其身晴風吹海雨山川尚橫陳俛仰勿太息徒
為驚爾隣

錢蛇嶺長耳僧

嶺上有神僧風吹豎兩耳云昔垂至肩手提忽
然起遊方得至術來此制蛇虺衣縫獨繭絲裂
縫蛇盡死至今山下草食之蠱可已客去勿復
言海隅多幻詭

觀水

積陰生壑雨野水學江流對屋見燈火相望南
渡頭浮槎到高樹白龜起滄洲變恠若不測神
功安能尤稍退見涯溪及來痕沫收崩濤出白
石隱隱如博投水楊洗荒根素髮生古愁見此

中興集卷五
三
倏若化故流還膠舟荒源不可詰欲盡山雲求

聽雨

山厨壓炊烟野雨起薄莫孤客卧空牀不識門
前路回風已若休入壑忽如赴荒林啼鬼車往
往不見處隣翁起厭勝呪作禹餘步聽雨雜呪
聲起歌助其語呪盡雨亦止還眠向窓曙

寄所知

何處識君面青天雲霧裾携琴上衡霍玄髮向
風梳別去看流水三年此躑躅偶同海鳥夢為

致空中書

池上萍

浮萍隨漲水上到荷葉端水退不得下猶粘花
萼間花殷青已見葉翠枯始斑何如根在水根
蒂相團團人生慕高遠風雲事躋攀絕髯尚號
叫化為鶴與猿幸未及枯槁萬里吾當還

十日菊

今日非昨日尚覺秋英好明日異今日秋英詎
云早所以惜芳人采擷常貴少而彼千載士憐

爾獨皎皎晞霜敷朝榮零露抱夕槁千載且復
然一夕寧恨老

飲飛廟迎神引

劍歌兮擊筑
茭青兮慕綠
夕濟甬兮沉玉
步巫子禹
孫葺神藩
子楚軍神之乘
兮海雲
暎芳子越
呪斬將子神
祐秋零露子
為醑春集鴉
子神語風蕭
蕭兮滿旗雲
之車兮來思

鴻門讌

天雲属地汗流
宇杯影龍蛇
分漢楚楚人
起舞

本為楚中有楚人為漢舞
鷓鴣淬光鷓不語楚
國孤臣泣俘虜他年疽背
怒發此礎礪雲歸作風
雨君看楚舞如楚何楚舞
未終聞楚歌

贈寫照唐子良

吳中衆史今代畫不獨畫
人兼畫馬唐生家住金華
雲對予獨肯畫古人夕陽
西下東流水紛紛古人呼
不起東都留守吳中豪王
府勲僚舊俊髦當時氣薄
陰山日勾陳蒼蒼太白高
百年水竭海塵上誰見凌
烟拂蛛網霜髯磔磔開青

新彷彿猶帶黃河水忽疑稍會怒色止或可從
傍窺諫紙唐生見我淚如洗頗憶古人今不死
俟我氣定神始閒命筆更起唐衣冠

種葵花蒲萄下

栽葵花種蒲萄下年年葉長見花謝蒲萄漸密
花漸遲開時及見蒲萄垂微風搖曳架上枝陰
雲凝碧行琉璃天人下飲蒲萄露花神夜泣向
天訴謝爾蒲萄數尺陰不如寸草同此心

送殘暑

向已送殘春當茲送殘暑離尊雖不同時節會
有去平生苦汗塵欲避無處所驪駒出商音畏
不將風雨却憶別花時紅塵挽衣履回首漢諸
陵落日無窮樹

有洗舊誥綾作青色鬻將以為緣以紺
繒易得之作手卷賦小樂章求好事書

其後

吳宮輦路傷行客繭水壓雲凝碧色門前新掃
染家隣借人鋪設殘衣帛宮花剪綾連院號覆

碧坊
本作
曉本
官舊
本多
作官

取翻看成一道織紋婉轉勅字新知是初誰六
尺誥城霞失彩宮籛病中與海圖上衣領改顏
偉售緣所遭褪藥玄香洗藍影青網易得淚承
睫擊筑楚歌無故業歌殘求書好事人異代倘
傳誥綾帖

廣惜往日

宓真院絕粒示兒宋禮部侍郎謝枋得所
作也粵人謝翱用其語為楚歌以節之其

詞曰

漢有臣子龔勝卒噤不食兮十四日今忍饑兮
我復渴道間關兮踰半月幸求死予得死苟不
得兮無術鳳笙兮龍笛燕羣仙子日將夕風吹
衣兮珮蕭瑟駿龍兮寡天行成兮緣畢

雪中方四隱君訪宿有詩憶鹿田風雨
舊遊奉和并呈吳六賁府

金華入北山空響出靜竚鹿田在其顛肺石來
風雨有客六七人昔遊至其處惟我愁不眠起
坐翫君語謂此定何聲百感生離緒既非琴與

來坊
鳴本

既舊本
或作玩
非

法坊
本冷

至坊
本主
作

瑟復異砧將杵醉者呼不應愁者自為苦空標
怯孤衾展轉如巢樹濕歌散餘悲以足拊柱礎
爾來又七年欲至困羈旅傳聞老桑門已復蟬
蛻去入山惡少年中鉢空其聚乃知人世間何
者為客主而我同懷人忽復異處所夢中遙相
望各抱不售賈有客不同遊亦同懷者地至
况有期興馬不待假倘規宿山中畸人不應舍

九日

秋風颯以至今日重陽日眼明對南山尚想陶

阿舊
本何
作

彭澤向來建威幕頗見有此客驅車不小留駕
言公田林一朝又棄去此意誰能識寄奴趣殊
禮風盲來自北只今王江州建國功第一故是
阿珉孫舉動良足惜飲愧望柴桑稍以自湔滌
殷勤白衣餉猶恐不我即中路候藍輿要致已
甚迫葛巾赤兩脚頽然向林宅此翁本坦蕩焉
能苦違物雖然可計取中實未易屈華軒又何
羨自載返蓬葦終身書甲子徃徃義形色如使
磷與緇安得為玉雪籬邊菊弄黃粲粲正堪摘

我方持空觴千載高風激

送袁太初歸剡原袁來杭宿傳法寺寺

在德壽宮北今行路及園即宮舊址

大雷山下鄞江口石濕落星海涵斗萐苔瑣自
居鬼神散髮天衣夜行酒百年綺語墮凡塵劉
公不還謝公走祇今零落三秋霜猶說先朝人
物藪道逢袁家美年少欲挽吳潮歸兩袖自言
學出戴君門又說舒君忘年友舒君白頭爪塵
垢戴君業成衣露肘君來何處覓知音弔古淒

涼無老叟出門擇語歸計餐顧忌慚皇無不有
不如歸食空江槎初生淡菜如珠母風帆送客
來夷洲白恰青衫談不朽君不見君今宿寺多
鄞僧耆舊能言幾人在隔牆食栢秋麝過廢石
坡陁舊南內

雜言送鄭主簿炎之官昌化

鄭嘗兩請福州文解皆為詞賦第一

劉先生名肩吾閩中詞賦天下無當年戰藝誇
顏色進士出身兩回得盧公里人正在朝相見

相逢九官宅余時猶弱起慨恍謂此未足榮其
鄉丈夫事業在簡冊要令姓氏留耿光繼聞鄭
君年最少人物氣象尤堂堂白鹿山南介公後
禽蛟兩祭獅子王夢魂欲見無由據側荔芭蕉
春復暮時移乃爾來雪間因作廣文求主簿願
予多病澁語言面垢毛焦著麻布山中乞食城
中歸徵詩送贈非所宜已聞之戍嚮昌化此地
人傳多畏怕龍居嗜燕烟入巢病甲垂欄腥雨
下又聞山鬼吹燈夜來向人家避官舍君持何

術徑往居此無百憂便將天雷斧柄塞鬼穴巫
山鍊鑠沈龍湫祗足自亂不得休豈知從心致
禱動幽隱使龍無嗜鬼無愁不知君能致此不
龍不須酌以酒鬼不須祭以肉秋旗卷雨曉案
烟時向縣齋望天目

一作龍不
須鍼以砭

晞髮集卷之五終

旌德劉
聖立書

晞髮集卷之六

粵謝翱水黑魚

古體四

避暑池上擬古

遊子渺天末晨光東南馳良時不易晤胡為徒
來茲叢栢結夏塔輕蒲生夕颺空有齊紈扇團
團手中持持此欲永久但感顙髮衰愛爾雲中
鳥浴彼道上池餘翎委弱藻飛去猶淪漪極目
送不返將以窮所思

擬古

翔鱗化海鳧不化腦中石人生棄井邑寄處終
為客常懷墳墓思永夜良跼踖秋風吹蓬顆
繫如布奕上為考與曾下為叔與伯豈無故鬼
悲翻念遠行役服藥得神仙去後惟留迹忽夢
南遊雲相逐孤飛翮

其二

嶠南毒草花離離北潭址洗花潭洞中水黑魚
盡起豈無建溪芽投之以方匕南山有雨來百

毒化為水臨流招故人洗髮弄清泚

九日前子善來會山中

朝尋寒露枝暮摘不盈把風吹西南雲幽情誰
與寫有客來縉州遺我古盞竿中有鴛鴦文色
如銅雀瓦浮以鬱金蕤蒼蘚藉其下此物寧足
感聊用助歌者但懷郢曲悲豈計所知寡

九日集葆山寺得載字

貧居懶出門未到輒復悔偶尋秋夕英願見石
瑤瑤手斲松根苓下有墳千載青山如葆羽無

人禁樵採狂歌呼麴生
悲往興故在未卜遇浮
丘猶堪居畏壘

九日禺中登沃洲放鶴峰南望天台諸
山

鏡面小蓬島入剡脫我驂
舍權來沃洲下嶺見
精藍修眉浮天姥天台
在其南良遊愛九日巾
墮髮不櫛醉浮秋夕英
饑食決明實遠尋竺僧
迹俯仰千載陳狂呼許
元度王謝十八人彷彿
川谷應草木皆冥冥便
欲即之語又疑物所馮

閉目遊太初寥廓以為隣

五日山中

東隣拔蒲根南隣燒艾葉
艾葉出青烟蒲根香
勝雪乾坤生燐火陰碧
期月光烟隨艾葉散進
此菖蒲觴蒲觴益齒髮
齒白髮如漆餘飲不盡
器置之五七日五日化
為丹七日化為碧一服
一千年令人生羽翼

寄題山陰徐氏林亭三首

見南亭

古擬

青林見危構南山覆其隍林居何為此所愛烟
霧姿上有鷓鴣鳥來從溟海湄飛止不他鄉畏
與宿願違違此頃刻間萬死莫贖之而憂中夜
露辛苦濕毛衣毛衣豈願濕即濕非所辭莓苔
與薏苡含弄寄相思

山陰茅宇

山陰久淒涼復爾見茅宇客來愛其人問此於
誰語自云爾先塋玩構亦廬處朝光凌爽氣初
巖亘修渚平居猶介心祗以自為苦日夕驅其

奴名之同所惡驅汝汝不辭我懷良可悲

小華陽亭

句越山中長木蓮華陽仙女此餐烟松花飄落
無尋處都在徐君劍樹邊

九日黎明發新昌望天姥峰

南明剡東山虧蔽草與萊前岡接遠阜樹石如
苔莓西南見天姥旭旭雲日開下有採藥徑仙
人招我來手持白菊花泛以青酒杯傾杯化靈
藥蕤芳入客懷俛視浮嬰居白氣為塵埃涼風

吹脫巾一往不願回便投此策竹騎龍下天台
五日泣江籬騷人沉佩襟年深甲古客滿門垂
艾菜既垂青艾菜復競盡舟楫明時內閣子供
奉進瑤帖豈復懷沅湘應舜愬往牒江流物色
改看盡淚承睫彷彿舊居人指點失故業三戶
空鳥啼九疑列如牒

玉麈尾

客持麈尾柄色奪環與玦塵心隨影祛一片若

行雲神獸潛空山何年探靈穴忽失落人手遂
為談者悅陰厓起白氣篆古踰軒頡一拂沉蘚
文再拂字不滅三拂蛟螭騰世眼不能別投爾
陰厓顛驚怪吐其舌

鐵如意

仙客五六月下鬪婆娑散影若雲霧遺音杳
江河其一起楚舞一起作楚歌雙執鐵如意擊
碎珊瑚柯一人奪執之睨者一人過更舞又一
人相向屢傴僂一人獨撫掌身挂青薜蘿夜長

天籟絕宛轉愁奈何

謝子靜寄端午藥煎

麩桃弄朝烟含蟲鍊百杵山人入藥籙搗日月
逢午甘酸雜衆味能生玉池乳頗憶越嗙人性
靜無所苦中年白髮生寄以潤肺腑為謝山中
人願結山中侶

因北遊者寄峨眉家先生先生曾宰建
之浦城故末章及之

靈關高縹緲縹緲出曾城其上盤紫雲倏忽牛

馬形交青不栖樹浴彼青泠泓惟有孤鷲驚
銜命此山靈迎風遡寨廓杳杳西北征羽毛中道
折六月霜霰零回首靈關雲淚下如懸纓

其二

江淹所治縣粵王曾種樹山人雨後來空臺唯
宿莽故人出端平子孫今不武寥寥南峰寺枯
禪尚靈雨猶記桐鄉祠影前及僧語

寄東白許元發

昔我來南方采藥與君遇仙桮墮寒蕪水花明

遠渚雲空叅語外露下離立處別來荒烟中五
閔寒與暑寒暑豈異初肌髮不如故聞處人道
變未得世病愈驅車望東白此情那可遡倘及
乘青蜺為君拂塵羽

秋暑飲僧舍分韻得界字

夜露搖井梧明河涵左界酣眠知何益筋力久
已懈餘氛薄中餐幅巾無所挂欲去豈不能有
興輒中敗浮醅濟瓜茗陰鼎澆薑芥忽醉此山
中解衣如脫械涼颺掃地生塵暑焚香邁空巢

見落毛石髮卷如蔓

擬古寄何大卿六首

空山產桐梓擬作膝上琴琴成不他飾種漆江
之潯獨無微將軫何以發商音但得獨繭蠶飼
之扶桑陰烹魚腹有膠不患海水深

其二

雌雄雙碧雞所食琪樹藹來棲藥洞中當春怕
乳子其嶋秋別時守此唯雄耳可憐銜子歸萬
里渡海水

其三

世傳賣藥翁
出市恒騎虎
竭來空山中
恨不輒與語
長嘯歸無家
獨指梧桐樹
既指梧桐樹
復采梧桐子
持以贈所思
浩歌聊復爾

其四

石間道人影
見者恒髣髴
浮雲過列仙
與語呼之
出身亦竟不
出影亦竟不
沒舍淨謝
仙人天地
此終畢

其五

流來山中花
紺碧三百里
漪漪歛硯雲
含風入秋水
五芝與八石
徃徃產其址
豈獨秘靈文
亦復隱奇士
不見施家郎
詩詞獨清泚
一朝控白鸞
吹笙洗塵滓

其六

山人食木實
竹實以飼鳳
聞此來空烟
三載脫塵鞿
不見玉笙音
惟聞溪鳥弄
西臺憶故人
野祭忽如夢
仰視浮雲馳
不覺哭之慟

巖居效賈島

巖巖百尺屋山鬼竄四壁獨抱震餘桐橫此風
中石夢見一道者手持青瓦礫謂此有至音世
人不能識粟塵起嵯峨滄海寄一滴語罷失其
處覺來空嘆息攝衣起楚歌斷絃如裂帛懸藤
月露深蛟龍舞其側

萍間稗荷效王司馬體

初萍半含絮頃刻開數畝荷生浮其間風雨足
解后百年遊子心欲作千歲久昔為浮萍根今
為稗荷藕荷高刺已生魚遊觸其首離離荷下

萍吹向白魚口

效孟郊體七首

手持菖蒲葉洗根澗水涓雲生巖下石影落莓
苔枝忽起逐雲影覆以身上衣菖蒲不相待逐
水流下溪

其二

移參窻北地經歲日不至悠悠荒郊雲背植足
陰氣新雨養陳根乃復佐藥餌天涯葵藿心憐
爾獨種參

其三

閑庭生栢影荇藻交行路忽忽如有人起視不見處牽牛秋正中海白夜疑曙野風吹空巢波濤在孤樹

其四

落葉昔日雨地上僅可數今雨落葉處可數還在樹不愁繞樹飛愁有空枝垂天涯風雨心雜佩光陸離感此畢宇宙涕零無所之寒花飄夕暉美人啼秋衣不染根與髮良藥空爾為

其五

越禽惜羽毛不向惡木棲木奴重踰淮愛爾巢其枝巢枝不食實中有二老綦孔子明月中夢繞東南飛

綦刻
本俱
作綦

其六

弱栢不受雪零亂蒼烟根尚餘粲粲珠點綴枝葉鱗小榻如僧床下有莓苔痕對此莓苔痕三年不敢言莓苔倘可食燕雪待朝暎豈無栢樹子不食種在盆

其七

閨中玻璃盆貯水看落月看月復看日日月從此出愛此日與月傾寫入妾懷疑此一掬水中涵濟與淮淚落水中影見妾頭上釵

晞髮集卷之六終

旌德劉聖立書

晞髮集卷之七

粵謝翱

五言近體上

近體二首

南雁去來盡音書不可憑應過蠻嶺瘴聞拊楚臣膺滄海沈秦壁愁雲起舜陵可堪夢魂在回首舊觚稜

其二

月離孤嶂雨尋夢下山川野冢埋鸚鵡殘碑哭

解刻
本俱
作孤

杜鵑妓妝中使客民買內醫田到此聞隣笛離
情重惘然

中秋憶山中人

茲夕發清嘯為君楚舞終西風五陵夢涼露九
霄中野邏烟常起溪流榜不通天陰無乳兔林
盡見飛鴻溼溼雲垂髮九九樹偃弓劍歌玄武
莫塵語白鷗空祇有淮南泪應沾青桂叢

僊華山招隱

黃帝女昇仙處山下有昭靈祠獻陵賜額

猶在

軒后悲蒼劍神娥下玉簫攀髯初失夢遺蛻尚
凌歊碧墮升棺影青分產柱苗山精依鹿竹天
雨濕鷄翹有約成孤憤無人重九要秦龍因姓
氏使鶴語軒輶冉冉將終老冥冥不可招無書
寄青雀有恨在中條

答烟蘿隱者

月落煙霧動遙知夜不眠紫苔生水底白髮坐
岩前野鶴下窺影山人疑問年微吟度小劫勞

贈遠遊篇

歸刻本
作還

送人歸蜀

白髮夢鄉國君歸路不迷
湫槎秋見草荒棧夜聞雞
月過秦涼北星深河漢西
何因到郤返吳語話分攜

憶梁禮部椅

閑庭芳桂叢相憶曙雲空
文字能娛老莓苔此興同
青山明月下家口少微東
歲晚西庄路柴門語自工

拜玄英先生畫像

來此得公真塵埃避隱淪
水生溪榜夕苔卧野衣春
雨冢侵吳甸荒祠侑漢人
微吟值衰世為爾獨傷神

哭正節徐先生

淒涼携子女冠佩赴重陰
塌井千年事青天此夜深
哀辭山石刺卹典海舟沉
里族南薰夢東都直至今

送汪十

多年隱賣漿此去結山房掃菌侵花落種松如
草長老期秋欲至貧味水初嘗歲晚逢樵獵音
書定不忘

槿樹

白犬吠行人西風杵臼新洗香澄宿水曝髮向
秋隣野草依溝盡宮花入帽頻人家小門徑憐
爾獨相親

悼南上人

翻紅卷未終聞打窠時鐘盡說他身在惟應外

安宋
詩鈔
作夜

國逢錫聲歸後夜琴意滿諸峰憶昨安禪處湖
雲起白龍

元日讀老子望瀑作

空山無轍迹懸水下分洪醉醒聽猶在寒暄色
不同異書天姥秘靈物乳池空祇憶殘年雨先
流到海中

雨中觀海棠

風吹簾網動對爾惜芳菲蜀雨何人在吳宮祇
燕歸燭消春粉盡淚溼野香微抱蕊殘青子鳥

啣隨處飛

哭所知

揔戎臨百粵花鳥瘴江村落日失滄海寒風上
薊門雨青餘化血林黑見歸魂欲哭山陽笛隣
人亦不存

二月十日

山居少四隣楮葉半為薪野色生遙念空江滯
此身風濤春憶越親舊晚遊秦獨擬尋雞犬雲
蘿挂葛巾

九日韶卿子善有約不至子靜亦歸桐

廬與景雲飲瀑下作

揉藍染釣緡欲老此江濱九日寒泉水他年白
髮身隣州曾約客別業未歸人嗅菊知吾事那
能更問津

呈王尚書應麟

寒風吹鬢影客淚濕衣塵千里見積水滿城無
故人船歌甌雪盡劍舞越花新獨憶絲綸老相
從話所親

山陰道中呈鄭正樸翁

楊柳遠天色野風來水涯異鄉同夢客今雨故
人家越樹夜啼鳥禹陵冬落花悠悠江海意為
爾鬢先華

送毛耳翁之湘南

湘草碧於水王孫尚此留一身行萬里雙鬢集
諸愁月落嶽雲曙龍逝海雨秋可能無事業相
見竟悠悠

寒食姑蘇道中

頻年感烟草荒塚幾人耕吳楚逢寒食山村見
獨行天陰月不死江晚汐徐生到海征帆影悠
悠識此情

別子靜卻送之雪

獨往知吾事語離何所求故家無別業殘夢下
扁舟積葉吳宮冷唵猿顧渚秋那能不相待羈
旅負清遊

哭肯齋李先生

落日夢江海呼天野水涯百年唯此死孤劍託

全家血染楚花碧
魂歸蜀日斜
能令感恩者
狼籍慟荒遐

八詠樓

江山此愁絕
寒角夢中吹
飛鳥過帆影
遊塵空
戟枝水交明
月動槎泐
故州移已薄
齊梁士猶吟
沈約詩

至日憶山中客

山村雲物外
至朔閏年愁
獨客語茅屋
樵人共
白頭驛花殘
楚水烽火到
交州欲隱裂
裳帛春

來重結裘

懷峨眉家先生

露下濕百草
病思生積愁
窟泉春洗屐
羶雪莫
過樓魂夢來
巴峽衣冠老
代州平生仗
忠義心
自與身仇

哭廣信謝公

自爾逃名姓
終喪哭水濱
海僧疑見貌
山鬼舊
為隣客死留
衣物囊空出
告身他年越
鄉值賣
卜有斯人

義坊本
信宋
作同
詩鈔

雨夜呈韶卿

相看隴水雲一夕幾回分預恐今宵雨他年獨自聞
野花同楚越江靄雜朝曛不得鋤芝朮逢樵却寄君

暮春感興

天涯芳草夢此意未應泯獨對風烟老虛為江海人
漁樵分落日櫻笋過殘春舉世無知己他生應逐臣

秋日憶過秦國公主園

野影林檎盡山昏瓦塔齊涼宵風雨過一雁西南啼
嵐霧洗巾悅井泉生蒺藜傷心拂塵塵衣淚濕空綈

送道士歸赤松

閑身可得仙諸妄覺他年夜氣浮秋井陰花冷碧田
禮星逢鶴下呪食待人眠叩齒通懸解祠堂山影邊

送僧之天台

石橋南北路師到動經旬尊者定中影凡人回

去身戴經支錫重作禮納巾頻杯海歸何日長
眉問四隣

雪水

寒英漲碧沉浴鵠冷難禁太白消秦日中濡接
蜀陰頻湯清洗瘴入茗味如參人世溜澗口應
疑別未深

用韻酌友人憶寄

麻衣拂市塵外事不干貧野氣生寒井天陰壓
莫春閑身分楚鞠白髮作吳人已斲藤蕪徑青

鞋憶寄頻

鼓子花

塵溼西風淚溝西影見君碧衣羞遠日天夢冷
秋雲蔓引山精徑籬衣楚女墳海邊逢賣藥采
實故應分

山寺送翁景芳歸覲

弱雲竹水涓葉影碧離離野別如秋夢他宵獨
爾思林殘西域果鍾動下方棊可得朝還莫相
看長在茲

寄朱仁中

聞君經亂後居處畏山顛家在聚如客糧餘食
帶烟戍鴉分落日燒草共殘年因憶先丘壠於
今是極邊

僧舍避暑分韻得入字

故人隔天風海水吹不立聊將塵渴心遠赴山
中汲晴香芝菌生暝翠霧露溼惟應鷄犬深幽
林聽經入

遊釣臺

古臺臨釣渚遺像在蒼烟有客隨槎到無僧依
樹禪風塵侵祭器樵獵避兵船應有前朝蹟看
碑數漢年

西臺哭所思

殘年哭知己白日下荒臺淚落吳江水隨潮到
海迴故衣猶染碧后土不憐才未老山中客惟
應賦八哀

江上別友

相看仍慟哭欲學晉諸賢戍近風鳴柝江空雨

宋鈔上作詩

送船朔雲侵別色南雪憶歸年擬共鋤青木無
為俗事牽

題翁徵君集後

樵獵識冠裳何言志四方離秦風日冷過楚薜
蘿長野夢違徵詔哀年枉薦章故山唐室晚應
種木為糧

除夜聞雷

牢落長為客殘年獨擁衾燈分寒夜火雨過震
餘陰搗藥滋玄髮書符散黑襪相看故鄉淚不

敢効吳音

晞髮集卷之七終

旌德劉
聖立書

晞髮集卷之八

粵謝翱

五言近體下

元日枕流亭聽雨

征鐸殘年雨
唵聽憶到城
愁雲侵歛盡
夢日向吳生
藥產難離性
灘流不掩聲
他宵樺燭飲
因想此中行

春日寄書代鄉人答

滄江失釣緡
白社苦唵身
風雨他年別
干戈舊

國貧春祠占遠夢臘市憶行人故壘夫差地遙
知哭為親

人日雪

連年逢此日寂寞在山居故國雲歸盡高杉雪
下初陰霾占戶口雷電失天書可得俱無事清
吟始晏如

早春寄嶺海流人

短褐隨南賈衰年異壯遊龍旂虛左个鴻影別
中州晚避高麗使春乘百濟舟王孫與芳草相

憶可能留

過孫君文舊避地處

相逢還自失相見盡天涯隣壤初移戍空山此
寄家剪茸春過鹿伐竹舊燒畬去後餘荒槿依
溝結影斜

春日遲子芳遊烏龍山

烏龍烟靄壯君去為親留綵舞初離席音書缺
寄郵雨登人日冢槎別客星洲應有他宵約相
從及此遊

奉和毛益亂後經太白墳

遙知風雨後明月濕江離幾處如寒食荒流空
莫思雨畔侵壞冢春網得沈碑若起論茲世先
生何所為

憶過徐偃王祠下作

徐王遺蹟地花落舊巖阿山鬼下茅屋野鷄啼
芋蘿別祠江路見疑冢草間多寒食思家客空
村紀所過

山驛送春

逢春憶舊時愛著舊春衣雨別如知處天涯應
共歸驛花留客盡帆日聚鴉微歲歲子規鳥寄
巢於此飛

蜂

蛹黑春如翳寒厓舉族懸撲香粘絮落采汗近
僧禪聚暗移花幄分喧割蜜烟閑房無處著應
架井泉邊

雨中感懷

幽齋蒲稗裏夜色入柴荆坐久雨聲絕水深荷

刺生聽猿思楚宿失鶴夢南征白屋青山下何
年返舊畊

桐華

隨風泊釣楂弄日色侵霞燒地不鋤草荒池舊
漚麻偶尋僧坐石見落鳥銜花錫粥春寒後多
逢棟樹家

錫本錫
棟俱刻
作棟

僧池青蛙

隱見多無定時開一道萍癭分荷背白身帶蘚
文青吐電收寒井隨僧入淨瓶栢壇祠后稷應

想作龍靈

夜宿江山寺

寺圖接異境僧影溼香烟落月安禪處翻經置
縣年天河當夏白泉水入杉懸到此懷甌越空
家寄海邊

雪榻瀑布

漱石清塵暑雲深畏解携寒巖蕭寺下縣水聲
陰西鳥落溼栖樹花流晴下溪謫龍聞呪起奇
服反初筭

虎石

寺深留片石山雨長苔新昔日栖禪處遺風想
至人錫前行虎獨鍾後到猿頻越客因逃暑於
茲喜掛巾

寺南小池

寺南疏小沼堤隱獺行踪於影動寒水夕陽藏
半峰清涵落鳥毳寒怯病僧容聞說初開日鉢
盂盛養龍

夏夜山房會宿賦得竹禽

入竹雲初翳餘更警露禽羈雌迷故侶涼意滿
西林雨宿移枝暗明翻下籜深微吟觸幽興離
思不能任

芭蕉雨

吳楚燈前侶芭蕉海上身涼宵知過雨病茶與
羈人白屋愁看曉滄州宿語貧西南多苦竹應
與越禽隣

中秋龍井玩月

逢秋月再圓不與復休眠腦滿魚龍夜精藏樹

石年嗅衣腥在水窺戶影疑禪長嘯望參伐行
來精舍邊

夜坐呈韶卿

修行吳楚間鶴去杳難攀衰世已如此愁身更
入山巢居避太歲藥飯救羸顏故友在江海相
思不得還

韶卿往烏傷寄劉元益

他日憶逢君林中訪惠勤鹿麝行處見流水別
時聞草沒秦人冢山通越國雲音書年歲失莫

傷坊
林作
鎮

訝白鷗羣

寄贈王僉判龍澤新之官廣陵

多君孝子里雲物尚依然歲晏木葉下月明湖
水邊有圖須女分對策亮陰年到此若為別猶
言贈馬鞭

十日菊寄所思

籬菊是秋隣青蕤莢日新忽逢初過節相憶早
衰人囊枕離湘濕分杯度嶺貧想應無事業遙
念更沾巾

野霞觀瀑

他年疏上浮早日此中投汲飲當魚入乘綸即
虬遊淨祠無血食喫雨不腥流僧語皆前事人
來盡別州草諳長過雪沙犯欲捐湫至竟何依
止蒼茫難禱求

萬松道中望南太白

筍輿行萬山中有十里亭老樹祇一色野公逾
百齡柴關當太白藥氣近樵青園草粘枯翼巢
枝落退翎期探幽谷水共斲松根苓艾納下天

坊本
食下

雨塵風吹冥冥

己丑除夜

鬢絲殘雪影况復在塵埃暮色隨鍾盡年光逐
水來隣逋燈下索鄉夢戍邊回明日聽春雨渡
江登越臺

元旦立春

枿栢多年樹閑庭憶粵鄉發春當獻歲為客未
休糧飲後憐衰齒行南避忌方星周元朔曆時
運可能忘

錄本
綠坊

寒食同方行父明中往綠渚舟中作寄
東安方子仁

自食嶼雲薇聞君白接籬謁靈隨社到為客寄
音遲瓢入新城水舟回故渚祠南衣離火浣垢
救禁烟時

雨宿太白

有阜陵書太白
名山賜僧了朴

城中家斧冰此地絕炎蒸天食青童捧龍居白
氣升暗燈猶宿火寢服尚裹繒客話從前事書
傳入內僧風流今獨盡雲物老相仍淨榻搜涼

卧危闌入醉凭雨師行下界鳥夢識中乘明發
甬南去他山逢智弘

寄育王賢上人

於今祇老身從昔少埃塵失蜀年為客居山石
作隣南遊宗竺法西語問巴人開戶藤花落多
浮茗椀春

海亭夜坐

孤身滯海垠暑溽上南雲歸日喜秋近愁人畏
夜分坐涼依井氣眠濕動星文故友在山壯音

書不得聞

採藥候潮山宿山頂精藍夜中望海
蛟門南去鳥此地望迢迢積濕侵幡黑生寒入
夢飄見燈歸舶夜聞偈解衣朝土植皆為藥山
枝不滿樵暗光珠母徙秋影石花消擬候槎回
漢寧甘客老遼卻尋徐福島因問秦皇橋於彼
看日出羽族焉可招

族本坊
旗本作坊

夜宿雪竇上方

雪竇師刻人住邊
支道林買山隱處

眠山枕斧柯獨客愛盤阿畏日生塵夢尋仙到

鳥窠下方聞夕磬南斗挂秋河寢服侵雲卷類
泉通瀑和竇分滄海月禪入沃州歌此地精靈
聚中宵弄薜蘿

魯國圖詩并序

舟遊坊本
作來舟坊
詩鈔同

翺嘗舟遊至鄆望海上島無數其民多卉
服過蛟門登候潮山被髮楚歌歌罷輟復
哭思夫子浮海居夷之義至定海學故石
刻畫仆泥淖中新刻復闢葺讀即怏怏乃
汲水洗故刻得紹興間邑令趙所傳魯圖

自云齊梁父諸山川至洙泗間巷里廟社
井墓厯厯如指諸掌遂摹其本歸過浦汭
方君景山與枯人吳思齊率其徒為講經
社得思陵所贊夫子像揭於庭朔望拜進
退興俯殊習乞翱所摹圖與像對翱喜而
歸之且書其後為之詩曰

秋風嶽下城海客見圖新樹入舞雩里水來浮
磬濱東封餘輦路西狩問虞人被髮逢夫子狂
歌作放民

董孝子墓

脩修古孝子家移來水旁母病食此水母死葬
其鄉殺人自白吏就家起為郎至今廟下草猶
帶食水香

晞髮集卷之八終

旌德劉
聖立書

